

Natsersuaq

Qallunaatut atia: Klapmyds

Latiinerisut atia: *Cystophora cristata*

Tuluttut atia: Hooded Seal

Sorlernut ilaava: Miluumasut

Uumasoqatai: Kiisortut

Ilaqutai: Puisit



Natsersuaq Kalaallit Nunaata sineriaasa avataanni sikuni saatsersuni piaqqisarpoq, Tunullu avannaarsuani Ammassallillu eqqaani mamaartarluni, tassa meqquni katattarlugit. Natsersuaq piaqqiffimmi mamaarfimmilu akornanni aprili-maajimi aamma juuli-septembarimi ingerlaarnermini Kalaallit Nunaata kitaata kujasissuani puisinit allaniit nalinginnaanerpaavoq.

Ilisarnaatai

Natsersuaq qasertunik qaamasunik meqqoqarpoq taartunik milalimmik. Angutiviaq arnavissamiit anneruvoq, niaqqumilu qaavatigut angisuunik nasaasaqarpoq ballonngitut pullassinnaasaminik.

Nerisai

Natsersuaq aalisakkanik angisuunik assigiinngitsunik nerisaqarpoq, soorlu qaleralinnik, suluppaakkanik saarullinnillu aammalu amikunik peqqunnillu sikuneq ajortuniittunik.

Paasissutissat

Uumaffii: Sineriak aamma Imaq
Takissusia: 2,6 m tikillugit
Oqimaassusia: 450 kg tikillugit
Ataatsikkut erniusut: 1
Piaqqisarpoq: ukiumut 1
Arnaviaq marsi-apriilimi piaqqisarpoq
Milutsitsisarpoq: Ullut 4 miss. Ukiunik
3-5-nik ukioqaleraangami
kinguaassiorsinnaalersarpoq

Nalunngiliuk?

Natsersuup piaraa inunngornermini takissuseqartarpoq 1 m missiliorlugu, 20-30 kg-nillu oqimaassuseqarluni. Ulluni unnuanilu sisamaannarni miluttarpoq, ullulli unnuallu ingerlanerinnaanni 7 kg missaannik oqimaallisarluni. Uumasut miluumasut akornanni kisiartaalluni taamak alliertupallatsigisarpoq. Natsersuup amia sionratigut qaannanut umianullu amerineqartarpoq.